



Universitätsbibliothek Paderborn

**Tractatvs De Fiducia In Devm Plurimas Et Utilissimas pro
vitâ spirituali instructiones Continens, Præcipue Ad
Obtinendam magnam animæ quietem, & afflictiones
quascunque ingenti cum solatio & fructu ...**

Dusault, Nicolas

Coloniæ Agrippinæ, 1660

§. 4. Magna fiducia timentium Deum summa verò difiidentia non
timentium.

[urn:nbn:de:hbz:466:1-50333](#)

ac desiderat ad eum solum refert omnia, illi
soli vivit, gaudet & patitur, & quidquid Deū
inter & se objicitur, sustinere detrectat. Et si-
cut S. Catharina Genuensis dicebat, quod ni-
hil vellet propter Deum, nec in Deo, nec de
Deo, sed Deum solum, ita hujusmodi animus
nihil timet, nihil amat, ut ita dicam, propter
Deum, aut de Deo, aut in Deo, sed Deum so-
lum; istae enim præpositivæ particulæ sunt
quasi divisivæ, quæ animum quodammodo
a Deo separant. §. IV.

*Magna fiducia timentium Deum, summa ve-
ro diffidentia non timentium.*

Duplex cordis & pulmonum motus, ti-
mentis Deum est tum ejus desiderium
Deo placendi, tum timor displicendi, & quia
novit nullas esse cœlo vel terræ vires, quæ se
possint a Deo separare, imò vel capillo capi-
tis sui nocere sine Dei permissione, hinc ri-
det & contemnit omnia, quæ Deus non sunt.
Timor qui in eo generavit fiduciam & ex-
tollit illum supra res omnes creatas, his infe-
rioribus dominantem animum facile indu-
cit in eam Abbatis Deicolæ cogitationem:
Deum à me tollere nemo potest. Contrà ve-
rò quisquis Deum non timet, formidare de-
bet, quidquid est extra Deum, quia nihil est
tam vile, nihil tam infirmum & caducum,

X 6

quod

quod illi nocere non possit, immo bonis omnibus spoliare, ut non solum divinâ se gratiâ & protectione nudum inveniat, sed etiam iram ejus atque odium incurrisse. *Ecce ejus me hodie*, dicebat desperatissimus fraticida ad Deum, à facie terra, & à facie tua abcondar & ero vagus & profagus in terra; omni igitur qui invenerit me, occidet me. Quasi diceret: Si tu Deus & Dominus meus abjicis me & abominaberis, quid superest, nisi ut omnis creatura in mei perniciem atque interitum conspiret? Lapidès insilient mihi in oculos, dehiscens sub pedib⁹ tellus deglutiens me fluctibus suis, mare me involvet, aer me prefocabit, cælum fulmine me percutiet, muscæ & formicæ exsurgent sanguinem venarum & medullâ ossium, devorabunt me vermes, & putredo prosternet me, serpentes & busones nascetur in visceribus meis, & consument me totum. Hæc me infelicem à Creatore desertum manent à Creaturis, quibus facile est armare se & prævalere contra me ineritem & destitutum omni ope Altissimi. Huic misericordia eveni tremende Deus, postquam projectus sum ate. Vides ex hoc exemplo, quanta divini hujus timoris defectu, tempestas vanæ formidinis exsurgat in animis impiorum quos varij terrores velut examen apum circum-

cumdant, cruciant, exedunt, ac mille quotidie mortes inferunt. Verissimè de his dixit Prophetæ : *contritio & infelicitas in viu eorum, viam pacis non cognoverunt : non est timor Dei ante oculos eorum.*, sal 13. Hinc inquietum est cor eorum & perpetuis formidinum motibus agitatur, velut concitatum fluctibus mare: omnia tuta timent, apes & vespas, ignem & aquam, famam & sitim, amicos & inimicos, notos ignotosque, domesticos & extraeos, morbos, infamiam, egestatem, vitam & mortem.

§. V.

Excellencia Timoris Dei conjuncta cum Fiducia in Deum.

O Stende mihi hominem omnium maximè inclytum dicebat sapiens quidam hebreus, si timorem Dei non habet, operatus est sine instrumentis, immo dici potest homo sine ullâ virtute & scientiâ, nam si caret Dei timore, caret & gratiâ, si gratiâ, caret omnibus. At timent Dominum, ait Ecclesiasticus c. 34. *beata est anima ejus. Ad quem respicit & quis est fortitudo ejus ? Oculi Domini super timentes eum, protector potentiae, firmamentum virtutis, tegimen ardoris & umbraculum meridiani, deprecatio-*

X 7

offen-